

Dummer nit esu

Text: Robert Pütz Musik: Jürgen Fritz

Et höt uns kölsche Muttersproch
Nit an d'r Stadtjrenz op
E paar Millione Minsche
Han die Sproch jot drop

En Jläbbich - Rösrath - Overoth,
En Burscheid - Kerpen-Buir
Jo do klingk die Sproch jet anders
Do können die nix für

M'r singk vum Meiers Kätche
Bis Limburg an d'r Lahn
Mir singe "Du bes Kölle"
Ävver mir losse keiner dran

Refrain:

Dummer nit esu als helt de Iesebahn
Nur bei uns en Kölle
Dummer nit esu als jöv et Halven Hahn
Nur bei uns en Kölle
Dummer nit esu als jöv et Kölsch un Flönz
Nur bei uns en Kölle un Kamelle ömesöns
Dummer nit esu - Dummer nit esu - Dummer nit esu
Bei uns en Kölle

Dä kölsche Rusemondachszoeh
Wör zimlich schnell vorbei
Wören all die Buure-Spellmannszöch
Nit komplett dobei

Sujar us Holland kumme se
Met Kapelle anjeröck
Weil sich su manche kölsche Tröötemann
Janz hösch op Karneval verdröck

Et kütt nit ob de Herkunft an
Nur op di Jeföhl
Un dat kanns de han en Neppes
Oder en Troisdorf un en Bröhl

Refrain:

Dummer nit esu als helt de Iesebahn
Nur bei uns en Kölle
Dummer nit esu als jöv et Halven Hahn
Nur bei uns en Kölle
Dummer nit esu als jöv et Kölsch un Flönz
Nur bei uns en Kölle un Kamelle ömesöns
Dummer nit esu - Dummer nit esu - Dummer nit esu
Bei uns en Kölle

Mir sin janz jroß em Fiere
Un jevven zimlich an
Nur weil die en Niederaußem
Kein KölnArena han

Dummer nit esu als helt de Iesebahn
Nur bei uns en Kölle
Dummer nit esu als jöv et Halven Hahn
Nur bei uns en Kölle
Dummer nit esu als jöv et Kölsch un Flönz
Nur bei uns en Kölle un Kamelle ömesöns

Dummer nit esu als helt de Iesebahn
Nur bei uns en Kölle
Dummer nit esu als jöv et Halven Hahn
Nur bei uns en Kölle
Dummer nit esu als jöv et Kölsch un Flönz
Nur bei uns en Kölle un Kamelle ömesöns
Dummer nit esu - Dummer nit esu - Dummer nit esu
Bei uns en Kölle
Dummer nit esu!